



日涉編

黃裳跡藏  
帝書印記

楚應城陳

皆升也甫

編輯

邑人徐養量叔弘甫校刻

王 璵元美甫

寇可教宅虛甫

弟陳 垠博也甫全閱

十月

十月建亥亥劾也言陰氣劾殺萬物也

合璧  
事類

應鍾亥之氣也十月建馬

周禮

日在尾昏危中旦七星中

禮記

閉蟄而烝

亥月昆虫閉戶萬物皆成左傳

招搖指玄爨松燧火

淮南子

北方之神顓頊乘坎執權司冬

漢魏相上書

天根見而水涸

天根見而水涸水涸而成梁不使民患涉也

國語

孟冬行春令則凍閉不密地氣發泄民多流亡行

夏令則暴風數起蟄虫復出行秋冬則霜雪不時

土地侵削

呂氏春秋

為陽

爾雅

冬曰玄冬亦曰玄英

梁元帝纂要

冬曰孟冬亦曰上冬曰陽月

梁元帝纂注純陰用事嫌於無陽故曰陽

月

良月

十月也就盈數也左傳

景曰寒景時曰寒辰節曰嚴節

梁元帝纂要

天時和暖似春謂之小春

荆楚歲時記

漢代以豚酒入靈女之廟擊筑奏上弦曲連臂踏

地歌赤鳳來巫俗也

搜神記

爪哇國風俗遊山有山馬可乘跨或乘軟堦樂有橫笛鼓板亦能舞外夷傳亦出一統志

邕管溪峒風俗以是月挈取鷺之軟毛為被以禦寒故柳宗元柳州峒峽詩有鷺毛禦臘縫山罽之句山堂肆考

日旁有黑氣如人形跪手捧盤向日盤中氣如人頭憲宗元和二年十月

日晝昏凡十日乃明宋文帝元嘉四年十月以上通考

月暈左角天興五年十月月暈左角太史令晁崇奏角虫將死上慮牛疫乃命諸軍併重

焚車牛果大疫死者十八九宮中所取巨犢數百同日斃於路側首尾相屬麋鹿亦多死後魏書天

文志紫雲如蓋黃雲如龍鳳青雲如竹木名梢雲祥符元年

封泰山十月出宋史

風曰寒風勁風嚴風厲風哀風陰風梁元帝纂要

霧赤為兵青為殃望氣經

雨謂之液雨百蟲飲此藏蟄俗呼為藥水荆楚歲時記

天雨土紹興四年十月宋史

天雨木冰熙寧三年十月八年正月九年正月亦

日步編 三前

信州及邵武天雨黍饒州建寧天雨黑子大如黍  
菽衢州天雨黍民取而食之

元至正辛卯年十月  
元史亦出草木子

黃河是月水名復槽水

吳十二年揚林江水出火可以燃物

宋文帝元嘉二十五年青州城南遠望見地中如

水有影謂之地鏡

蚩尤塚每歲是月有氣如匹絳自上屬下號曰蚩

尤旗

朱鳥門鳴晝夜不絕

皇覽塚墓記塚  
在東郡壽張縣  
王莽天鳳三年十月朱鳥門  
鳴崔發寺曰虞帝關四門達

四聰鳴者明當修先聖之禮  
令群臣皆賀所舉士行從朱鳥門入而對策馬出

佛像是月動夏人入寇又動而州大火

熙寧二年十月儂智  
高叛佛像復動知州錢師  
孟授其像於江中出宋史

遂陽鄉柱仆地生枝如人形身青黃色面白頭有

鬚髮

漢哀帝建平三年十月遂陽鄉在汝南西平  
縣京房易傳曰王德衰下人將起則有木生  
為人狀  
出通考

武義縣木根有萬宋年歲四字

松樹變為栢

長壽二年十月  
月舊唐書

鳳凰十一集杜陵

漢宣帝神爵四年

鳳凰集東海遣使祠其處

漢昭帝始元三年

鳳凰五高八九尺毛羽五彩是月集潁川郡群鳥

從之行列蓋地數頃留十七日乃去

漢光武建武十七年

宋書符瑞志

有獸入吳興一角而麟趾

天祐二年吳越備史

詩

江南孟冬天荻穗軟如綿綠絹芭蕉裂黃金橘柚

懸

謝良輔狀江南十月

蛩聲已盡菊花乾五老松陰向晚寒對酒看山俱

惜去不知殘日下闌干

朱慶餘十月西亭晚宴

重裘暖帽寬羶履小閣低窓深地爐身穩心安眠

未起西京朝士得知無

白居易十月即事

南路嗟蛇客未回常嗟物候暗相催四時不變江

頭草十月先開嶺上梅

樊晃十月南中感懷

今年十月溫風起湘水悠悠生白蘋欲寄遠書還

不敢却愁驚動故鄉人

戴叔倫十月寄京洛舊遊

寒江近戶漫流聲竹影臨窓亂月明歸夢不知湖

水濶夜來還到洛陽城戎昱十月寄湖南張郎中

荷盡已無擎雨蓋菊殘猶有傲霜枝一年好景君

須記正是橙黃橘綠時

紅梨無葉庇花身黃菊分香委路塵歲晚蒼官纔

自保日高青女尚橫陳以上東坡十月作

何處初寒好初寒郊廓城垂紳多俊彥列第盡公

卿裘馬過從盛門闌洒掃清誰家擁獸炭盡日管

絃聲司馬公十月作

玉壺銀箭稍難傾缸花夜笑疑幽明碎霜斜舞上

羅幕燭龍兩行照飛閣珠帷怨臥不成眠金鳳刺

衣着體寒長眉對月闌彎環李賀十月樂詞

孟冬寒風起東壁正中昏謝靈運

孟冬十月北風徘徊蟄鳥潛藏熊羆窟棲魏武帝

立冬

立冬木斂水相火囚金休

霜降後十五日斗指乾為立冬冬者終也萬物皆

收斂也孝經緯

立冬房四度律歷志

白沙經 卷十 十一  
立冬冬至行北方黑道曰北陸

漢書

律中應鍾水始冰地始凍

應者應也鍾者動也言萬物應陽而動不藏也

月令

斗柄北指而天下皆冬

鷓冠子

天氣上騰地氣下降閉塞而成冬

禮

陰雲出而黑

易通卦驗

立冬北方廣莫風至

一名寒風八方之風應時而至出符瑞圖

以風鳴冬

韓子

仲尼問剡子曰丹鳥氏司閉者也立秋來立冬去

左傳

立冬不周風至水始冰薺麥生雉入水為蛤

易通卦驗

立冬十月節水始冰水不冰即陰之有貧地始凍

地不凍即灾咎之徵野雉化為蜃不為蜃時多淫

婦

周書時訓

春官宗伯以玄璜禮北方

立冬為黑精之帝故玄璜以象冬物之坏蟄周

禮

立冬先三日太史謁于天子曰某日立冬盛德在水天子乃迎冬於北郊可以築城郭造宮室穿竇



審修囷倉月令

天子始裘月令

立冬乾主風用事人君當興邊兵治城郭行刑決

罪京房易古

立冬日日中陽臺真人會集登真要訣

立冬忌北風主殃六畜雁仙月占

詩

日行北陸又冬時江荻颼颼岸草衰木落驚寒山  
露骨池冰結凍水生皮頰添獸炭供爐火細切羊

羔泛酒卮莫道園林俱索寞菊殘猶有傲霜枝吳彥

十月嚴陰盛霜氣下清臺郭元振

北風飄飄天作惡枯林已久葉可落山谷

履此玄英感茲陽月知盛德之在水慨窮陰之殺

節吳淑立冬賦

小雪

立冬後十五日斗指亥為小雪天地積陰溫則為  
雨寒則為雪時言小者寒未深而雪未大也孝經緯

小雪為中者氣敘轉寒雨變成雪故以小雪為中

三禮義宗

小雪之日虹藏不見後五日天氣主騰地氣下降

見禮記註曰陰陽氣交而為虹以時陰陽極乎辨故虹伏虹非有質而曰藏亦言其氣之下伏耳月

令

小雪日虹不收藏婦不專一周書時訓

詩

甲子徒推小雪天刺桐猶綠槿花然陽和長養無

時歇却是炎洲雨露偏張登小雪日戲題

時候頗過小雪天江南寒色未多偏楓汀尚憶逢

人別麥隴惟應欠雉眠更擬結茅臨水次偶因行

藥到村前詩言服藥後行以宣導之隣翁意緒相安慰多說明

年是稔年陸龜蒙小雪後書事

偉茲雪之霏霏應玄冥而不失其期賦象於虹藏

之日成形於冰凍之時委地則微庶表三冬之候

翻空雖小那無六出之姿當其寒氣初升陰風始

變既淅淅於遙野却飄推於廣甸邊城一望龍山

之淨色猶晞上苑再瞻鳳闕之清光未遍眇若毫

端輕飛可觀細細而千巖送冷飄飄而萬物迎寒

云云 林滋小雪賦

日涉編卷之十終

日涉編

楚應城陳 塔升也甫編輯

邑人徐養量叔弘甫校刻

王 璵元美甫

寇可教宅虛甫

弟陳 垠博也甫全閱

十月

一日

先天節 大中祥符五年閏十月一日聖祖下降日為先天節出宋朝會要亦出事物紀原

玄宗御勤政樓四科舉人問策外更試詩賦各一

道天寶十三載制舉試詩賦自此始出玉海

唐太宗詔令就京城閑坊為諸州朝集使造邸第

三百餘所梁州都督竇執請入朝唐太宗曰君臣共事情猶父子外官久不入朝情或疑

懼朕亦須數見之問以人間風俗太宗又謂待臣曰古者諸侯入朝待以客禮漢家故事為諸州刺

史郡守創立邸舍至貞觀十七年十月一日下詔為朝集使造邸第太宗親觀馬出通考

宋太宗出飛白書一軸賜宰臣李昉等曰朕退朝

之暇未嘗虛度光陰觀書之外留意於真草近又

學飛白書此雖非帝王事業然不愈于遊畋聲樂

乎昉等頓首謝雍熙三年十月一日玉海

宋高宗是日登舟巡幸淮甸駐蹕揚州建炎元年十月一日

宋史禮志

王荆公是日永昭陵奏告仁宗皇帝旦表伏以月

乘該閱時御閑藏歲回薄以將更物盛多而可享

恭惟尊謚皇帝德符穹昊功濟黎元方求大隗之

居遂兆成周之葬光靈在望感惻交懷臨川集

宋朝舊規十月朔一日賜翰林對衣紅錦袍淳化

二年是日代以細花盤鵬錦袍下丞相一等蘇續志

峽人十月一日多以蒸棗為節物荆楚人多食焦  
糟或作糖故老杜是日詩曰蒸棗如千室焦糟萃

一拌事文類聚

都城士庶皆出城饗墓禁中車馬朝陵如寒節夢華錄

十月一日拜黃拜之感霜露也程氏遺書

京師沃酒炙饔肉於爐中圍坐飲啗謂之煖爐歲時雜記

有司進煖爐炭民間皆置酒作煖爐會夢華錄

東女國風俗每是日令巫者齋酒肴詣山中散糟

麥空中呼鳥俄有鳥如雉飛入巫者之懷剖腹視

之有穀來歲必登若有霜雪必有大災俗名為鳥

山人死則納肉於金瓶中埋之神異記

道家以是日為民歲臘三萬六千神无其日可謝

罪祈求延年益壽道家有五臘正月一日為天臘

道臘十月一日為民歲臘至十二月正臘日為  
王侯臘五帝校定生人處所分野降出道

達磨祖師至金陵武帝問曰朕即位以來造寺寫

經度僧不可勝紀有何功德祖曰並無功德帝曰

何以無功德祖曰此但小果如影隨形雖有非實

帝曰如何是真功德祖曰淨智妙圓體自空寂如

是功德不以世求菩提達磨大師者南天竺國香

義也武帝遣使賚詔迎請

崔希真是日雪遇老父于門獻松花酒老父曰花

酒無味乃於懷中取九藥置酒中味極美後問天

師師曰此真人葛洪第三子其藥乃千歲松膠也

原化記

東皇大帝生辰道經

王長真人降現

馬元約天師上昇以上翰墨大全

宜修成福齋攝生圖

西天王降祀之一年死三元壽圖

詩

有瘴非全歇為冬亦不難夜郎溪日暖白帝峽風

寒蒸裹如千室焦糟萃一枰茲辰南國重舊俗自

相歡工部夔州十月一日作

寒山十月旦霜葉一時新似燒非因火如花不待  
春連行排絳帳亂落剪紅中鮮駐藍舁看風前唯

兩人

白居易十月一日  
和杜錄事題紅葉

屋角羲娥轉兩輪今朝水帝又司辰山家嘗稻知  
良月野徑尋梅見小春一歲坐看除得盡百年正  
與死為隣誰能忍許無窮事閉閣開爐但飲醇

山十月一日作

十月一日天子來青繩御路無塵埃宮泉內裏湯  
各別每箇白玉芙蓉開朝元閣向山上起城繞青

山龍暖水夜開金殿看三河宮女知更明月裏武

皇得仙王母去山鷄畫鳴宮中樹溫泉泱泱出宮

流宮使年年修玉樓禁兵除盡無射獵日西麋鹿

登城頭梨園弟子偷曲譜頭白人間教歌舞

王健題溫

泉宮

二日

侍讀真德秀進大學衍義上曰有補治道

宋理宗端平二

年十月二日出會要

宋仁宗慶曆三年南蕃塗渤國遣使奉表貢佛金

骨真珠犀牛頭象齒

海玉

禪師道廣瞑目而寂異香盈室

道廣禪師郴州人往衡州參超和尚

超獨重之衆僧謂同來參禪獨道廣得真諦超對衆僧曳禪杖頓地三下無有解者是夕三更時大

開禪門惟道廣一人至超密將鉄筋畫灰盡傳訣

旨附衣鉢即時潛奔天寶元年大旱即守馮君零

祀無應師曰以早懸肆霄竟詣湏武二水合流處

正坐水面謂人曰雨即至矣明年冬十月二日告

寂異香盈室出柳陽佛傳

紫瓊真人降生

鏡州德興張君範諱模是月之二

下元周真君生

張虛靜天師生

詩

彷彿曾遊豈夢中欣然鷄犬識新豐吏民驚怪坐

何事父老相携迎此翁蘇武豈知還漠北管寧自

欲老遼東嶺南萬戶皆春色會有幽人客寓公

東坡

十月二日到惠州作禮記諸侯不臣寓公益言公爵而寄寓者也

三日

唐文宗太和九年曲江新造紫雲樓彩霞亭仇士

良是日以百戲於銀臺門迎文宗文宗好為詩誦

杜甫曲江行云江頭宮殿鏤千門細柳新蒲為誰



綠天寶已前曲江四岸皆有行宮臺殿故為樓殿以壯之

宋仁宗賜致仕太子太傅杜衍襲衣笏頭金帶

皇祐

二年十月三日  
日出通典

宋高宗書車攻詩賜宰臣趙鼎等又宣諭曰朕觀

鴻鴈車攻乃宣王中興之詩當與卿等夙夜勉勵

修政事攘夷狄鼎曰陛下游戲翰墨之間亦不忘

恢復臣等敢不自勉紹興五年十月三日以上玉海

宋太宗靈駕發引至道三年太宗崩於萬歲殿宋史禮志

蜀後主王衍幸秦州後主王衍有節度使王承休以和繼笑狎見寵一日謂後

主曰秦州多出國色密領取秦州子女教以歌舞伎樂令畫工圖真及錄名氏以獻後主擬十月三日

日幸秦州布告中外咸使聞知由是中外切諫不從母后泣而止之以至絕食出太平廣記

戴洋善風角妙解占候小數及祖約鎮譙城謂約

曰十月三日必有賊到譙城主簿王振以洋為妖

言約知有神術而讓振振後有罪被收洋救之曰

振不識風角非有宿嫌約義之即原振至是日石

勒騎果到譙城戴洋字國流年十二病死復蘇說死時上蓬萊崑崙等山既而遣歸

逢一老父謂之曰汝後當得道及長善風角占候知十月三日賊到譙城如其言洋謂約曰賊必向

城公可遣騎水南追之步軍於水北斷要路賊必敗約竟不追賊乃掠城外婦女輜重而去約將魯

延求追賊洋曰不可約不從使兄子智與延追之  
賊偽棄婦女輜重走智與延等爭物賊還掩之智  
延僅以身免士卒皆  
死出晉書戴洋傳

太子少保薛稷雍州長史李晉中書令崔湜蕭至

忠岑義等皆外飾忠鯁內藏諂媚脅肩屏氣而舐

痔折肢阿附太平公主是日家破身戮載

李吉甫薨貞元有表隱居者家於湘楚間善陰陽

吉甫嘗聞其名即延語與吉甫命筭隱居曰公真

宰相也壽至九十三吉甫曰吾之先未及七十者

何敢望九十三乎隱居曰連筭舉數乃九十二年

其後吉甫果相憲宗皇帝節制江南再入相而薨

年五十六時元和九年十月三日也計其歲月日

亦符九十三之數豈非懸解之妙乎出宣室志

四海三元龍王奏水府曰龍聚曰道經

四日

帝系譜曰伏羲十月四日人定生孝經河圖云伏

之時伏羲人頭蛇身按堯始四時成

歲以曰伏羲十月四日不知何據

元順帝至正六年中書省奏以十月四日皇帝親

祀太廟制曰可以太師右丞相馬扎兒台為亞獻

官樞密知院阿魯禿為終獻官元史

官軍與回紇夾擊而賊大敗郭子儀寺與賊遇於

等初戰不利賊逐之下山回紇自南山襲其背於

黃埃中發十餘矢賊驚顧曰回紇至矣遂潰官軍

與回紇夾擊之賊十月四日大敗出汾陽家傳

霞卿真人湛然真人妙然真人蓬萊真人水清真  
人人喬真人人想真人眇水真人瓊君真人太清

真人降現翰墨大全

十月四日勿責罰人故刑官罷刑大忌法天生意

五日

唐高宗狩于陸渾親御弧矢獲兔鹿製冬狩詩龍朔

元年玉海

蘇東坡久不得子由書憂不去心以周易筮之得

渙六三宋哲宗祥符元年十月五日日出長公外紀

宋人胡瑗葬于烏程胡瑗先生湖州後學者去來常數百人各以其經轉相

傳授東南之士莫不以仁義禮樂為學嘉祐元年遷太子中允充天章閣侍講四年卒於杭州五年

十月五日葬于烏程胡瑗字翼之廬陵歐陽修作墓誌出宋文鑑

吳俗以十月五日為五風生日太湖漁者千餘家

盛陳牲醴饗並湖諸神祠祈是日有風則每五日

風雨如期而至終歲皆然可以揚帆取魚謂之五

風信天中記

修三會齋勿行譴責攝生

六日

唐高宗十月五日狩于陸渾縣是日至飛山頓帝

親御弧矢獲四鹿及兔數十頭

龍朔元年出通考

唐玄宗幸花清池詔高力士潛搜外宮得弘農揚

玄琰女于壽邸上甚悅用為貴妃歌曰漢王重色

恩傾國御宇十年求不得揚家有女初長成養在

深閨人不識天生麗質難自棄一朝選在君王側

迴眸一笑百媚生六宮粉黛無顏色春寒賜浴花

清池溫泉水滑洗凝脂侍兒扶起嬌無力始是新

承恩澤時雲鬢花顏金步搖芙蓉帳暖度春宵春

宵苦短日高起從此君王不早朝

唐開元中四海無事玄宗在位

歲久政無小大委于丞相深宮造宴以聲色自娛

宮女雖多無悅目者十月六日幸花清池詔高力士潛搜外宮得弘農揚玄琰女于壽邸出長恨傳

宋仁宗是日靈駕發引英宗以梓宮升龍輜祖奠

與皇后步出宣德門群臣辭于板橋

宋史禮志十月十五日奉

安梓宮

宋仁宗遷座于永昭陵

仁宗崩于福盛殿殯于殿之西階十月六日遷座于

永昭陵韓琦作哀冊文有風雲慘鬱以生悲臣妾涕號而思殉云云出文鑑

拂菻貢方物

宋神宗元豐四年十月六日拂菻一名大秦在西海北唐開元獻獅子二

要出會

天曹諸司五岳五帝注生籍日

道經亦出翰墨大全

詩

風高月暗水雲黃淮陽夜發朝山陽山陽曉霧如  
細雨炯炯初日寒無光雲收霧捲已亭五有風北  
來寒欲僵忽驚飛電穿戶牖迅駛不復容遮防市  
人顛沛百賈亂疾雷一聲如頽墻使君來呼晚置  
酒坐定已復日照廊愧疑所見皆夢寐百種變怪

旋消亡共言蛟龍厭舊穴魚鼈隨徙空陂塘愚儒  
無知守章句論說黑白推何詳惟有主人言可用

天寒欲雪飲此觴

蘇東坡十月六日記所見

七日

宋太宗以是日為乾明節群臣上壽崇德殿壽表  
云乾元發祥萬物資始以聖繼聖謂之大明順合

二義之稱用表無疆之慶

興國二年十月七日

郭子儀誓師

唐代宗廣德二年十月七日子儀誓師日明日有寇爾其備之及夜出兵

數萬陣於西門之外廣布旗幟如十萬軍未曙懷恩吐蕃回紇吐渾等已陣於乾陵北長二十里懷

白沙統 卷十  
恩等初謂無備款襲之既見陣大駭不敢戰涉淫  
而退初軍中偶語夜中出兵與鬼鬪耳及未曙而  
寇至軍中所以服子儀  
之先知也出汾陽家傳

八日

東漢安帝武庫火燒兵器

元初四年二月乙亥朔  
日有食之在奎九度史

官不見七郡以聞奎主武庫兵是年  
十月八日武庫兵器火燒出通考

唐太宗是日山南獻木連理交錯玲瓏長孫無忌

曰自頃嘉祥雜遝陛下推而不居遂令史官閣筆

無以示後因相率賀帝曰瑞應之來朕當苦心勞

力以荅天地何煩致賀

貞觀十八年  
十月八日

唐高宗顯慶三年太常丞呂才奏張華博物志白

雪是天帝使素女鼓五十絃瑟曲名調高和寡自

宋玉以來未有歌白雪者

宋仁宗宴射太清樓帝中的者四

景祐二年十月  
八日以上玉海

宋高宗崩

淳熙十四年十月八日崩孝宗號慟擗  
踊踰二日不進膳尋諭宰執王淮欵不

用易月之制如晉武魏孝文實行三年之喪自不  
妨聽政准筆奏通鑑載晉武帝雖有以意後來只

是宮中深衣練冠帝曰當時群臣不能將順其美  
司馬光所以譏之後來武帝竟欲行之淮曰記得

亦不能行帝曰自我作古何害淮曰御殿之  
時人主哀經群臣吉服可乎出宋史禮志

真如禪師無疾說偈曰昨夜三更風雷忽作雲散

長空前溪月落言訖告寂

宋哲宗紹聖三年十月八日告寂禪師目睛齒

瓜不壞弟子塔于京潭出楚通志

張廋舉進士元和十三年居長安昇道里街是夜廋在月下忽異香滿院俄聞履聲見數青衣擁門而入曰步月逐勝不必遠遊此院藤架可矣遂引少女七八人容色竒絕服飾華麗廋走避堂中垂簾望之諸女徐行直詣藤下須臾陳設牀榻杯杓又執樂者十人執拍板者二人左右侍立者十人坐上一人曰不告主人而張樂可乎命一青衣傳

語曰姊妹步月偶入貴院廋閉門叩之不應於是坐上一人命奏絃竹音曲清亮廋曰若非妖狐必是鬼魅頃之盡還廋潛取一盞以衣繫之及明解視乃一白角盞竒不可名院中香氣數日不歇

惟錄

詩

良月八日夜未央清都絳闕鸞鳳翔

事文類聚

九日

齊武帝永明八年十月朔土霧竟天濃厚勃勃如

火煙氣入人眼鼻至是日辰時開除

南齊書五行志

宋徽宗是日翰林承旨張康國撰景鍾銘銘曰皇

帝踐位之五年崇寧甲申改協鍾律保合太和云

云典通

靖康二年宋欽宗到燕京見金主是日少帝復至

燕京與契丹耶律延禧同拘管鳩翼府

竊憤錄

修撰司馬光請寫仁宗英宗實錄留本院

熙寧二年十月

九日出會要

東坡云嶺南氣候不常菊花開時即重陽涼天佳

月即中秋十月九日菊始開乃與客作重陽因次

和陶九月九日詩詩曰今日我重九誰謂秋冬交

黃花與我期草中實後凋香餘白露乾色映青松

高合璧事類

斗星降日

東斗帝君道經

詩

霜飈協律應佳辰  
奠莢堯階九葉新

事文類聚

十日

宋蒼梧王元徽四年填星守太微宮

十月十日占曰有亡君之



戒出南齊書天文志

唐文宗生於長慶宮至太和七年中書門下奏云  
陛下馭三統之元膺千年之運當誕聖之日為河  
清之祥夫四時成歲百穀成實必在首冬用成神  
化臣等請以十月十日為慶成節是日於宮中奉  
迎太皇太后與昆弟諸王盛陳宴樂群臣詣延英  
門奉觴上千萬歲壽州府置宴一日上悅從之

文宗

穆宗第二子出實錄

宋徽宗五月五日生以俗忌因改作十月十日生

宰臣章惇等請立天寧節表云詩紀生民易稱出  
震時惟陽月瑞集樞星肇開震夙之祥永御光華  
之旦離明繼照敷同四海之歡天德出寧請祝萬  
年之壽

出合璧事類以俗忌出異聞集

謝石宣和間至京師以拆字言人禍福求見者但  
隨意書一字即就其字離拆而言無不奇中者宋  
徽宗因書一朝字令中貴人持往試之石見字以  
手加額曰朝字離之為十月十日字非十月十日  
所生之天人而誰書也一座盡驚中貴馳奏

徽宗召石

至後苑令左右及宮嬪書字示之皆據字論說禍  
 福俱有精理緣此四方求見者其門如市有朝士  
 其室懷姪過月手書一也字令其夫持問之石詳  
 視字謂朝士曰此閣中所書否曰何言言之石曰  
 謂語助者哉馬乎也因知是公內助所書尊閣盛  
 年三十尊閣父母兄弟近身親人皆無一人存者以  
 也又尊閣則是他字今獨見也字而無一人存者以  
 又尊閣不見家物產亦當蕩盡否以也着土則為地  
 字今又問者但賤室以懷姪過月方竊憂之所以  
 皆非所問者是必十三箇月也也以朝士即謂之曰此  
 問耳石曰是必十三箇月也也以朝士即謂之曰此  
 兩傍二笠下一畫為十三也石熟視朝士曰有一  
 事似涉奇怪固欲不言朝士固請其說石曰也字  
 着虫為蛇字今尊閣所驗之無苦也朝士大異其說  
 則不能為害以藥下驗之無苦也朝士大異其說  
 固請至家以藥投之果數百小  
 蛇都人益共神之出天中記

顯祖文宣皇帝諱洋字子進神武第二子帝登阼  
 改年為天保士有深識者曰天保之字為一大人  
 只十帝其不過十乎又洗謠曰馬子入石室三千  
 六百日帝以午年生故曰馬子三臺石季龍舊居  
 故曰石室三千六百日十年也又帝曾問太山道  
 士曰吾得幾年為天子荅曰得三十年道士出帝  
 謂李后曰十年十月十日得非三十也吾甚畏之  
 過此無慮人生有死何得致惜但憐正道尚幼人  
 將奪之耳帝及期而崩

北史齊本紀

唐太宗幸洛陽宮

貞觀十六年太宗本紀

晉高祖葬于顯陵壽安縣

梁太祖葬于宣陵洛京伊闕縣

以上通考

蘇子瞻是夜解衣欲睡月色入戶欣然起行念無

與樂者遂至承天寺訪張懷民相與步于中庭庭

前積水空明水中藻荇交橫蓋竹栢影也友人曰

何夜無月何處無竹栢但少閒人如吾兩人耳

神宗

元豐六年十月十日出以游錄

欽緒與妖人李廣弘謀反廣弘始為浮屠妄曰我

嘗見岳瀆神當作天子又妄曰神戒我十月十日

約欽緒夜擊鼓譟凌霄門焚飛龍廡神策將魏循

以神策兵十月十日迎廣弘禽之廣弘臨刑色自

如唐書列傳

詩

氣轉小春才十日紫府名仙方降謫

古風事文類聚

十一日

宋太祖校獵近郊

乾德六年玉海

宋真宗召近臣于玉宸殿觀刈小香占城稻賜宴

安福殿上作七言詩後臣皆賀

天禧二年玉海

李愬擒吳元濟

十月十一日節度使李愬襲破懸瓠城擒吳元濟裴度先遣宣慰副

使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子  
使馬摠入城安撫裴度當元和長慶間亂臣賊子

女仙謝自然有仙來召即乘麒麟昇天初服天衣

以舊著衣留繩牀上仍下降著舊衣置天衣于鶴

背將去云去時乘麟來時乘鶴十月十一日  
出集仙記

十月十一日忝臞俗謂之秦歲首未詳忝臞之義

荆楚歲時記

詩

新冬十葉各添一良辰喜是翁生日

古風事文類聚

十二日

宋仁宗廟中行禮月色皎然有黃雲捧月

嘉祐四年

宋神宗熙河奏捷紫宸殿稱賀上解所服白玉帶

賜宰臣王安石熙寧六年十月十二日出通典

宋神宗熙河奏捷紫宸殿稱賀上解所服白玉帶

賜宰臣王安石熙寧六年十月十二日出通典

蘇東坡入翰林知制誥元祐元年出  
宋學士集

蘇東坡遊惠州東北二十里之白水山佛迹岩浴

于湯池紹聖元年十月十二日循山而東有懸水

數十所謂佛迹也出長公外紀據

宋景濂與祖同以是日生濂生于元武宗至大庚

包文叔授以季濂蒙求一日而盡自

汝南屈雍妻王生男從腹下而出其母自若無他

異痛黃初五年

詩

何人守蓬萊夜半失左股浮山若鵬躄忽展垂天

羽根珠互連絡崖嶠爭吞吐神工自爐鞴融液相

綴補至今餘隙罅流出千斛乳方其欲合時天匠

麾月斧帝觴分餘瀝山骨醉後土峯巒尚開闔澗

谷猶呼舞海風吹未凝古佛來布武當時汪罔氏

投足不盖梅汪罔氏即青蓮雖不見千古落花雨

雙溪匯九折萬馬騰一鼓奔雷濺玉雪潭洞開水

府潛鱗有饑蛟掉尾取渴虎我来方醉後濯足聊

戲侮回風卷飛電掠面過疆弩山靈莫惡劇微命

安足睹此山吾欲老慎勿厭求取溪流變春酒與

我相賓主當連青竹竿下灌黃精圃

東坡十月十二日遊白水

山佛迹巖作

元符庚辰歲孟冬十二日壬子丞太宗碌碌奉朝籍聖主訪落初聽言勞日昃諫路負有關求人恐不及誰謂方遴選邂逅首踈遜詔旨忽中授聞命旦夕惕不是憂不合愛君憂失職既憂亦復喜不是貪祿秩平生慕古人素願或可畢精神倍踈淪激昂登文石青雲開九天清光親咫尺每見情益交肝膽盡剖析敢承丁寔訓重許以忠直自喜千

載遇奮身遑他恆志欲收主威力先排巨室切齒憤欽永刻意望夔稷不數千羊皮豈讓一狐腋勤勤履霜戒不復慮不密問夜欲自勞百踈意何益哀哉愛君心不能當衆嫉投湘為獨醒得罪因懷

壁云云

宋哲宗元符二年十月十二日任伯雨述懷詩出宋文鑑

十三日

唐代宗生于東都上陽宮之別殿玄宗幸汝州之温湯有望氣者云宮中有天子氣玄宗即日還宮是夜帝降誕獨孤及表置天興節其日慶雲見常

來賀表曰十月良月遠膺盈數之期後天奉天近

和下元之曆從風蕭索抱日縈迴色涵流渚之虹

影雜繞樞之電

肅宗吳皇后坐父事設入掖庭玄宗幸忠王邸見王服御蕭然傍無

勝侍命高力士選掖庭宮人以賜之而吳后在籍中頃之后侍寢厭不寤吟呼若有痛氣不屬者肅

宗呼之不解秉燭視之良久方寤肅宗問之后手掩其左脇曰妾夢有神人長丈餘操劍謂妾曰帝

命與汝作子自左脇以劍決而入腹痛殆不可忍及今未之已也肅宗驗之于燭下有若綻而赤者

存馬遂生代宗以開元十四年十月十三日生出柳氏舊聞

史洪肇與楊頌王章等入朝坐廣政殿東廡甲士

數十人自內出擒洪肇頌章斬之并族其三家

乾祐

三年洪肇字元化李業等乘間譖之以謂洪肇威震人主不降必為亂隱帝頗欲除之由是與業等

密謀禁中十月十三日擒洪肇斬頌章出五代史

蘇東坡惠州到任

宋哲宗元祐二年十月十三日到任寓居嘉祐寺是時侍妾朝

雲隨之出長公外紀

程頤母侯氏生

母善詩有夜聞鳴鴈題曰何處驚飛起雖難過草堂早是愁無寐忽

聞意轉傷良夫人沙塞外羈妾守空房欲寄迴文信誰能付與將夫人弟可世稱名儒才自謂不如夫

人卒於皇祐四年生於景德元年十月十三日享年四十九追封上谷郡君出宋文鑑

南斗星降日

道經

詩

當年飛下蓋宮仙良月平分兩日前萱草忘憂方  
半百蟠桃未熟待三千慶女類聚

君不見西漢元光元封間河決瓠子二十年鉅野

東傾淮泗滿楚人恣食黃河鱸萬里沙回封禪罷

初遣越巫沉白馬河公未許人力窮薪芻萬計隨

沉下吾君仁聖如帝堯百神受職河神驕帝遣風

師下約束北流夜起澶州橋東風吹凍收微渌神

功不用淇園竹楚人種麥滿河淤仰看浮槎樓古

風熙寧十年河決澶淵注鉅野入淮泗自澶魏以  
北皆絕流而齊楚大被其害至十月十三日澶

州大風終日而河流一故已  
復故道東坡喜而作河復歌

十四日

唐懿宗生以其日為延慶節唐宣宗長子太和七  
年十月十四日生於

藩邸天  
中記

宋高宗次泗州建炎元年十月十四日至二  
十七日揚州駐蹕出通考

龜茲國風俗每是日作樂至歲窮始罷酉陽  
雜俎

取枸杞煎湯沐浴令人光澤不病雲笈  
七籤

海蟾帝君降生帝君姓劉名操字宗成而海蟾子  
其號也改名玄英仕達為宰相遇

純陽即解相印是  
日誕生出道書



馬練師乘青驪昇仙

集仙錄

詩

西狩觀周俗南山歷漢宮薦鮮知路近省歛覺年  
豐陰谷含神爨湯泉養聖功益齡仙井合愈疾醴  
源通不重鳴岐鳳誰矜陳寶雄願將無限澤霑沐  
衆心同

唐玄宗十月十四日幸鳳泉湯作

周狩聞岐禮秦都辨鳳名獻禽天子孝存老聖皇  
情溫潤宜冬幸遊畋樂歲成湯雲出水殿煖氣入  
山營坎意無私劫乾心稱物平帝歌流樂府谿谷

也增榮

張說和玄宗幸鳳泉湯

翠栢不知秋空庭失搖落幽人得佳蔭露坐方獨  
酌月華稍澄穆露氣尤清薄小兒亦何知相與翁

正樂銅爐燒栢子石鼎煮山藥一盃賞月露萬象  
紛酬酢此生獨何幸風纜欣初泊誓逃顏蹠網行  
赴松喬約莫嫌風有待謾欲戲寥廓冷然心境空

髣髴來笙鶴

東坡十月四日以病在告獨酌

鎔鉛煮白石作玉真自欺琢削為酒杯規模定州  
瓷荷心雖淺狹鏡面良渺瀰持此壽佳客到此不

容辭曹侯天下平定國豈其師一飲至數石温克  
頗似之風流越王孫詩酒屢出奇喜我有此客玉  
杯不徒施請君詰歐陽問疾來何遲呼兒掃月榭  
扶病及良時東坡十月十四日獨酌試藥玉滑盞  
有懷諸君子明日望夜月庭佳景不  
可失作  
詩拾之

十五日

大中祥符元年是日詔封泰山上通泉廟為靈泚  
侯亭亭山為廣禪侯嶧山神為靈巖侯祥符二年  
是日詔泰山天齊王加號仁聖天齊王祥符七年

是日封泰山三郎威雄將軍為炳靈公

據五代會  
要後堂長

興四年封泰山三郎為威雄大將軍上不豫泰山  
僧進藥小康僧請封之撥宋朝會要廟在兗州泰  
山下即泰山  
神三郎也

唐玄宗年七歲是日車騎至朝堂金吾將軍武懿  
宗忌上嚴整訶排儀仗因欲折之上叱之曰吾家  
朝堂於汝何事敢迫吾騎從則天聞而特加寵異  
之唐書

唐武宗臨朝謂宰相曰雄真良將

會昌三年石雄  
代引兵踰烏嶺

破賊五寨殺獲數千得雄捷書甚喜  
十月十五日臨朝云云出伐叛記

宋太宗夜御東華門

三元不禁夜是夜為  
下元出山堂肆考

金主章宗命給米諸寺自十月十五日至次年正

月十五日作糜以食貧民

明昌四年金史

宋胡翼之葬于烏程

胡瑗先生字翼之其在湖州  
弟子數百人各以其經轉相

傳授莫不以仁義禮樂為學先生初以布衣見天子論樂拜秘書省校書郎嘉祐元年遷太子中允天章閣侍講東歸之日太學諸生與朝廷賢士大夫送之路人嗟嘆以為榮卒于杭州享年六十七

十月五日葬于烏程出墓表

宋韓琦五代祖葬

祖諱義賓以博學高節不仕王  
紹鼎雅知其名屢薦補節度副

記室事以龍紀元年十月十五  
日附葬于先塋出五代祖塋記

杜牧之太和五年十月望半夜時舍外有疾呼傳

緘者牧之曰必有異亟取火來及發之果集賢學

士沈公書一道曰亡友李賀且死以其文求序

牧之

作李賀集序云  
亦出合璧事類

東坡後赤壁賦曰十月之望步自雪堂將歸于臨

臯二客從予過黃泥之坂霜露既降木葉盡脫人

影在地仰見明月顧而樂之行歌相答予乃攝衣

而上履巉巖披蒙茸踞虎豹登虬龍攀栖鶻之危

巢傳馮夷之幽宮蓋二客不能從焉

合璧事類

馬耆國王始出遊至歲盡止

馬耆國東高昌西龜茲南尉犁北烏孫俗

尚娛遊七月七日祀生祖十月十五日王出遊出唐書

高句麗國東有穴號隧神每以是日祭之禮義甚

盛王與妃嬪登樓大張樂宴飲高句麗其先出夫餘王嘗得河伯女

因閉于室內為日所照引身避之影又逐既而有孕生一卵夫餘王棄之與犬豕皆不食棄于路

牛馬避之獨眾鳥以毛茹之王剖之不能破還其母母以物裹置煖處有一男破而出及長字之曰

朱蒙夫餘之臣以朱蒙非人所生欲謀殺之其母告朱蒙朱蒙東南走中道遇大水欲濟無梁追者

甚眾朱蒙告水曰我是日子河伯外孫於是魚鼈成橋朱蒙得渡至紇升骨城馬號曰高句麗因

以高為氏考出西齋考

太平興國五年下元京城始張燈張燈七月中元亦然如正月月上

元之夕至淳熙元年始罷容齋隨筆亦出天中記

戚夫人入靈女廟以豚黍樂神吹笛擊筑歌上靈

之曲既而相與連臂踏地為節歌赤鳳來西京雜記

下元日九江水帝十二河源溪谷大神與賜谷神

王水府靈官校定生人罪福

下元日三品解厄水官主錄百司檢察人間善惡

上詣天闕進呈以上出正一旨要亦出山堂肆考

下元節俗傳水官解厄之辰相效持齋誦經宣府鎮志

鍾離飛昇

衡嶽阿真人上昇

以上集  
仙錄

詩

小陽春動嚴風冽寒桃爛熳如錦纈天上人間樂  
事同姮娥亦愛好時節直待盈盈到三五雲頭放  
出團圓月此時天降玉麒麟不數當年珠樹列

文事

聚類

廬阜東北際岩堯五峯尊中巖窮林繞青天白雲  
屯郡閣有佳眺徙倚空朝昏今晨幸休假發軔北

郭門牽蘿出林端躡屐躋雲根高尋却深宦小憇  
欣潺湲古殿宿寒霽新甍麗朝暎扶藜陟東岡夙  
昔規層軒却倚千尋峭前窺百泉奔長風捲浮埃  
江湖渺相吞結架雖未諧雄瓌已難論同來俱勝  
流晤語仍王孫已踐支許諾不慙夙尚魂賦詩紀  
茲日歲晚期相敦

下元節假行視陂塘因與賓友  
携兒甥出郭登山歸賦詩呈郡

中諸寮友  
朱文公作

十六日

唐玄宗幸汝州廣成湯

開元十四年十  
月十六日玉海

宋太宗宴宰相親王以下及契丹使高麗使諸州  
進奉使於崇德殿以乾明節罷大宴故也是後宴  
外國使為常其君長來朝先遣使迎于候館興國三年

出宋史禮志

宋孝宗幸茅灘大閱上親御甲冑指授方畧戈甲  
耀日旌旗較天六師懽呼犒費有加焉乾道四年

畧

荆湖南北風俗以為盤古氏生日以候月之陰陽

昔古傳盤古左手為東嶽右手為西嶽腹為中嶽首為南嶽足為北嶽盤古氏神靈一日九變蓋元

混之初陶融造化之始應世萬八十年為一子其源賦謂元

東華帝君升仙帝君玉皇元甫其名也得老子之

自稱少陽帝君後於終南山凝陽洞授道鍾離先生出道書

詩

青女嫦娥作下元昨宵蟾桂十分圓手持太乙長

生錄來壽方壺不老仙事文類聚

一暑一寒有明有晦神道無跡天工罕代乃置挈

壺是惟熙載氣均衡石畧正權槩世道交喪禮術

銷亡遽遷水火爭倒衣裳擊刁舛次叢木乖方爰

究爰度時惟我皇方壺方次圓流內襲洪殺殊等  
高卑異級靈虬承注陰蟲吐翕倏往倏來鬼出神  
入微若抽繭逝如激電耳不輟音眼無留眄銅史  
司刻金徒抱箭履薄非兢臨深罔戰授受靡僞登  
降弗爽唯精唯一可法可象月不知來日無藏往  
分以符契至猶影響合昏暮卷冀茨晨生尚辨天  
意猶測地情況我神造通幽洞靈配皇等極為世  
作程陸倕天監六年十月十六日作新漏  
刻銘進御先以舊漏乖舛乃勅治之  
十七日

宋太宗晉天福四年生母杜氏夢神人捧日以授  
已而有娠遂生帝于浚儀官舍是夜赤光上騰如  
火間巷聞有異香太平興國二年宰臣上表請以  
是日為乾明節淳化元年改為壽寧節太宗神功  
聖德文武皇帝諱炅初名匡乂改賜光義帝幼不  
與他兒戲皆畏服出天中記據合璧事類太  
宗十月七日生兩日俱載  
宋仁宗獵于楊村上親射鹿及雉兔遣使薦太廟  
既而召父老臨問賜飲食茶綵而退宰臣昌期等  
奏陛下順時畋獵登廟俎以昭孝閱軍實以講武

飲耆年以養老賜田夫以勸農一出而四美具望

宣付史館從之慶曆五年出稽古錄

元順帝親祀昊天上帝于圓丘以太祖皇帝配享

右丞相脫脫為亞獻官太尉樞密知院阿魯禿為

終獻官至正三年元史

東萊呂成公官秘書至淳熙七年是日陞為著作

郎出宋學士集

蘇軾是日上疏曰臣近以左臂不仁兩目昏暗有

失儀曠職之憂堅乞一郡伏蒙聖慈降詔不允遣

使存問賜告養疾思禮之重萬死莫酬云云事文類聚

十八日

唐懿宗十四年是日疾甚制曰朕守大器之重居

兆人之上日慎一日如履如臨旰晷勞懷寢興思

理涉道猶淺導化未孚實有慮於闕政且無暇於

怡神竟未少瘳日加寢劇謀於卿士思闡鴻猷皇

儲第五男晉王儼孝敬溫恭寬和博厚俾崇邦本

允叶人心即日懿宗崩儼登皇帝位即僖宗也唐書

宋真宗後苑觀滑州所獻白鹿因作賦賦曰瞻彼



中林震于珍物牲牲于野標一角以為奇濯濯其儀閱千齡而成白宛如雍時之符來伏文王之囿

云云天禧三年玉海

五百羅漢會經日藏經

十九日

宋太祖將議巡幸遣王仁珪李仁祚焦繼勳同修

洛陽宮室

開寶八年十月十九日遣王仁珪等同修明年帝至洛陽觀其壯麗仁珪等並

進秩出通畧

馬韶謂程德玄曰明日乃晉王利見之辰德玄惶

駭馬韶趙州平棘人習天文三式開寶中太宗親

吏程德玄善德玄每戒韶不令及門九年十月十日

日乃晉王利見之辰德玄惶恐甚詰其所以來韶曰明

太宗太宗命德玄以人防守之將聞於太祖及語

宋寧宗生為天祐節尋改為瑞慶節出宋史

盧仙降于女仙謝自然之庭自辰至未方去降時

鸞鶴千萬衆仙畢集或乘麒麟或鸞或龍貞元十年十月十九

日集仙記

詩

仙記

卷一

三

姑蘇臺上春光泄菊老寒輕香未歇人言太守是  
龔黃天為吾君生稷契出類聚事文

昔有佳人公孫氏一舞劍器動四方觀者如山色  
沮喪天地為之久低昂燿如羿射九日落矯如群  
帝驂龍翔來如雷霆收震怒罷如江海凝清光絳  
脣珠袖兩寂寞晚有弟子傳芬芳臨穎美人在白  
帝妙舞此曲神揚揚與余問荅既有以感時撫事  
憎惋傷先帝侍女八千人公孫劍器初第一五十  
年間似反掌風塵瀕洞昏王室梨園弟子散如煙

女樂餘姿映寒日金粟堆南木已拱瞿唐石城草

蕭瑟玳筵急管曲復終樂極哀來月東出老夫不

知其所往足繭荒山轉愁疾杜工部大曆二年十月十九日夔州別駕

元特宅見臨穎李十二娘舞劍器壯其蔚跂問其師曰余公孫九娘子也因作劍器行

皇祐辛卯冬十月十九日御史唐子方危言初造

膝曰朝有巨姦臣介所憤嫉願條一二事臣職敢

妄率宰相文彥博邪行世莫匹曩時守城都委曲

媚貴暱銀璫插左貂窮臘使馳驛邦媛將夸侈中

金齋十鎰為我寄使君奇文織織密遂煩西蜀巧

日夜急鞭扶紅經緯金縷排科闢八七比比雙蓮  
花篝燈戴星出幾日成一端持行如鬼疾云云

梅聖

俞書  
竄詩

二十日

東漢郎顛陽嘉年謂順帝曰十月二十日太白與  
歲星合於房心太白在北歲星在南相離數寸光  
芒交接房心者天帝明堂布政之宮今太白從之  
交合明堂金木相賊而反同合此以陰陵陽臣下  
專權之異也

即顛字雅光父宗善風角顛專父業  
畫研精義夜占象度出史纂左編

慶元二年是夜三更後月出時臨安嘉興兩郡人

未寢者皆見其團圓如望夕

宋寧宗慶元二年十  
月二十日太史奏為

上端其地當十歲大稔其冬不雪明春無雨民極  
以為憂下詔惻怛懇祈中夏雨足眾大稔出夷堅  
志

宋太祖崩遺詔以日易月皇帝三日而聽政

開寶九年

十月二十崩  
皇帝即太宗

仁宗太皇太后崩于慶壽宮

神宗元  
豐二年

叅知政事實偁卒宋太宗親幸其第臨喪痛哭設

奠還宮

興國七年十月二十  
日卒以上宋史禮志

呂仲實忠肅公東歸忠肅公初為集賢學士因議

至正庚寅十月二十日翩然東歸公蚤師蕭貞敏

公傳道德性命之學真知實踐故立朝大節極有

可法出宋

蘇東坡作修丹贊信筆直書不加點定殆是天城

非以意造云飲食之精草木之華集我丹田我丹

所家我丹伊何鉛汞丹砂客主相守如巢養鴉培

以戊巳耕以赤蛇化以丙丁滋以河車乃根乃株

乃實乃華晝煉于日赫然丹霞夜浴于月皓然素

葩金丹自成曰思無邪宋哲宗紹聖元年十月二

三十代天師張繼先生于蒙谷庵繼先字嘉聞號

七年十月二十日生五歲不言一日聞鷄鳴忽笑

賦詩曰靈鷄有五德冠距不離身五更張大口喚

醒夢中人宋徽宗崇寧三年召見上曰卿居龍虎

曾見龍虎否對曰居山虎則當見今日方睹龍顏

上悅上問以修丹之術若何對曰此野人事也非

人主所宜嗜陛下清淨無為同符堯舜足矣出史

編纂左

詩

喜見江梅漏小春飛來五葉砌邊莫和熏愛日如

遲日光動文星映壽星事文類聚

孟冬寒氣至北風何慘慄愁多知夜長仰觀衆星

列三五明月滿四五蟾兔缺客從遠方來遺我一

書札上言長相思下言久離別置書懷袖中三歲

字不滅一心抱區區懼君不識察古樂府十月二十日作

二十一日

大明節梁太祖十月二十一日出玉海

宋太祖校獵于近郊建隆四年宋史

宋真宗御集英殿為飲福宴真宗祥符年命樞密副使張昇望告昊天上帝皇帝服通天冠絳紗袍執圭乘輿至大慶殿門外降輿乘大輦至天興殿薦享畢乘大輦還宮更服鞞袍御紫宸殿宰臣百官稱賀大赦至二十一日詣諸觀寺行恭謝禮御集英殿為飲福宴

宋神宗葬于永裕陵元豐八年以

李勣平高麗還唐高宗乾封元年十月二十一日還出冊麻元龜

巢谷昇仙巢谷字元修與二蘇同鄉年一百一十七歲瞳子碧光炯然以十月二十一日

遍告邑中閉戶而去出夷堅志

詩

誰把瓊璣運花工參旗又掛玉梅東三三律琯聲

餘亥九九元經赴起中類事文

二十二日

文宗開成三年是夜彗星長三丈五尺十月十九日夜彗星

見長二丈餘二十日夜長二丈五尺二十一日  
夜長三文至二十二日夜長三文五尺出唐書

宋孝宗太祖七世孫也父秀王母張氏夢府君擁

一赤羊來遺之曰以此為識已而有娠以建炎元

年是日生於秀州青衫牖之官舍紅光滿室如日

正中紹興三十二年受禪以生日為會慶節吳芾

表云祐格高穹方啓明昌之運慶鍾良月聿逢震

夙之期秀州外醫張浩云少為德清開官一日過

視之乃趙縣丞室中適兌娠是誕育孝宗也出史事實

陳搏字圖南號扶搖子亳州真源縣人也是日化

形於蓮花峯下張超谷中

出史纂左編據翰墨大

稿七月二十九西岳志七月三十搏與老子同鄉

里生而不能言至四五歲戲澗水之濱有青衣媪

台置懷中乳之自是始能言聰悟過人及長習經

史一覽無遺先生曰吾向所學足以記姓名而已

吾棄此遊泰山之巔長松之下與安期黃石輩論

出世法合不死藥安可與世俗輩脂韋汨沒出入

生去至端拱元年十月二十二日化形

唐文宗以新授同州刺史白居易為太子少傅分  
司以汝州刺史劉禹錫為同州刺史太和九年十月二十三日

海玉  
印步編  
卷六

宋真宗崩仁宗即位是日祔帝於太廟第七室乾興

元年宋史禮志

翰林學士趙槩上所著書宋仁宗以為四門助教

嘉祐元年十月二十三日出玉海

豐樂里開業寺是日有神人足跡甚長自寺門外至佛殿先是有客宿于寺夢一人長二丈餘披金甲立于寺門外俄而以手開其門俛而入寺行至佛殿顧望久之客驚而寤及曉視其門已開矣即以夢告于寺僧共見神人之跡寺僧告于京兆京

兆以聞肅宗命使驗之如其言至德二年宣室志

詩

風吹仙夢到江南長記初冬二十三道入胡山重

敞閣堂登眉壽半垂簾事文類聚

二十四日

唐玄宗大蒐於鳳泉湯開元三年十月二十四日玉海

宋真宗祥符五年詔以十月二十四日聖祖降延

恩殿日為降聖節唐會昌元年詔以聖祖降改為降聖節則宋朝用唐遺也出事

物紀原

宋仁宗宴近臣於太清樓餞翰林學士孫奭知充

州天聖九年玉海

詩

氣候隨時應初寒雪已盈乾坤一色白宋萬重清  
是處人煙合無窮鳥雀驚忻然不成下連把玉壘

傾伊川十月二十四日早始見雪登白雲臺

壬子初逢雪未多仍却晴人間都變白林下不勝

清寒士痛遭恐窮民惡着驚盃觴限新法何故便

能傾伊川奉和十月二十四日初見雪至相國元老出擊壤集

潮陽南去倍長沙戀闕那堪又憶家心訝愁來惟

貯火眼知別後自添花商顏暮雪逢人少鄧鄙春

泥見驛賒早晚王師收海嶽普將雷雨發萌芽韓昌

黎元和十四年三月至潮州十月二十四日以憲宗加號量移袁州刺史聞命即日上道未能携家

故有

此詩  
二十五日

宋徽宗以是日為天符節政和二年宋史

董文忠鷄鳴將入朝忽病仆帝遣中使持藥投救

不及遂卒甚悼惜之謚忠貞文忠字彥誠王鷄嘗言詩因問文忠能之



乎文忠曰吾少讀書惟知入則孝于親出則忠于君詩非所學也元世祖即位符寶局以文忠為即居益近密嘗呼董八蓋董俊之第八子也十月二十五日入朝病卒出元史

老君過關度尹真人日

昇仙記亦出翰墨大全

貞元十年是日有大鳥集長安形類鸞而毛彩異之名曰天雀曰神雀降則國家嘗有大福遍身毛孔中血出沾衣作道陂山水橫紋洗之轉覺分明向日視之色似金手觸之如金聲

太平廣記

詩

新甲下元後先庚大雪前九天元降聖同日更生

賢

事文類聚

沔彼流水兮清且漣漪度水為梁兮斯馬在斯成金橋之巨麗得鐵鑠之宏規當其受以全模觀其曲面經始也則大火朝流成功焉乃天根夕見彰于聖德發于謳歌千人唱萬人和丹艘蜿蜓倚晴空之蟠竦瑰材擲比超渡海之龜鼉人且告符功惟用壯非填鵠之可比法牽牛而為狀鶴鳴處於鴈覆晴川異東明擊水而徒步

三國志大餘國傳注云東明走以弓

擊水魚鰲浮為橋

非秦帝驅山而着鞭惟彼童謠兮言猶

在耳大人應運兮奉天而起乘彼橋以徑度按周

道以如砥於是提三尺乘六龍懷萬邦入九重橋金

龍在上黨南二里常有童謠云聖人執節渡金橋景

賦橋

二十六日

宋真宗祥符五年禮儀院請改文子為通元真人

唐天寶元年李林甫奏文子號通玄真人庚桑子

號洞靈真人至宋祥符十月二十六日改為通元

宋真宗詔大官進蔬食宰臣請御常膳

祥符三年玉海

蘇東坡在抗州與晦老全翁元之敦夫遊南屏寺

宋哲宗元祐五年十月二十六日至十二月又遊

外紀

詩

後夜龍作雲天明雨填渠夢回聞剝琢誰呼趙陳

予元祐六年穎州久旱蘇東坡聞穎上有張龍公

神祠靈異乃齋戒遣男迨與州學教授陳履常

往擣之迨亦頗信道教沐浴齋居而往明日當以

龍骨至天色少變十月二十六日景貺復常二歐

陽作詩有後夜龍作雲云云景貺拊掌曰句法甚

斗燦然就枕未幾而兩已鳴簷矣至朔旦日作五

主簿少府我即以此語也相與笑語至三更時星

新前以此未有季默曰有之長官清客吏請客目曰

人復會於即齋嘆龍公之盛德嘉詩語之不謬季  
默欲書以為異日一笑景既出迨詩云吾侑歸臥  
髀骨裂會友携壺勞行後東  
坡笑曰是兒也好勇過我

二十七日

宋太祖乾德六年是日和峴言漢獲天馬赤鴈神

龜白麟之瑞並為郊歌國朝合州進瑞木成文馴

象從南方自至秦州獲白鳥黃州獲白雀並合播

在管絃薦于郊廟詔峴作瑞文馴象玉鳥皓雀四

瑞樂章以備登歌

海玉

胡馬當來飲淮水

戴洋字國流妙解占候小數吳末為臺吏知吳將亡托病不仕

祖約府內地忽赤如血洋曰按河圖徵云地赤如  
升血當有下犯上恐十月二日胡馬當來飲  
淮水至期石勒騎大至攻城其日西南兵火俱發  
約大懼會風迴賊退時傳言勒遣騎向壽陽約曰  
必無此事彙而傳言  
果安晉書戴洋傳言

紫微北極大帝下降

道經

二十八日

唐代宗詔追諸道兵屯西郊代宗大曆八年吐蕃

方兵馬使渾瑊戰于宜祿官軍大敗馬璘出兵擊  
之又敗璘遣軍斫吐蕃營破之十月二十八日代

宗詔追諸道兵屯西郊吐蕃  
蕃始退宜祿地名出唐曆

宋真宗召輔臣至苑中亭觀太宗聖製四部群

書又至玉宸殿作五言詩王旦等皆賦

祥符四年玉海

樞密使王欽若上纂集聖祖事迹十二卷以先天

紀為名

祥符八年玉海

二十九日

宋真宗詔皇太子宗室近臣諸帥赴玉宸殿翠芳

亭觀稻賜宴仍以稻分賜之

景德四年宋史禮志

長沙王思規為海鹽令是日卒先忽見一吏問此

誰吏荅曰召海鹽令為主簿因出板置牀前吏又

曰期限尚遠在十月二十九日若不信我到七月

望日中時視天上當有所見思規教家人至期看

天聞有雷聲空中見人垂旒羅列如送葬狀後思

規卒二十九日也

錄甄異

三十日

漢高帝三年十月甲戌晦日有食之在斗二十度

燕地也後二年燕王臧荼反誅立盧縮為燕王

東漢明帝永平八年十月壬寅晦日有食之既在

斗十一度斗吳也廣陵於天文屬吳後二年廣陵

王荆坐謀反自殺

以上文獻通考

唐高祖武德三年是夜有流星墜于東都城內殷  
 殷有聲高祖謂侍臣曰此何祥也起居令人狐德  
 蔡曰昔司馬懿伐遼有流星墜于遼東梁水上尋  
 而公孫淵敗走晉軍追之至其星處斬之此王世  
 充滅亡之兆也

唐書天文志

詔象州澄海指揮名曰忠敢

海指揮名曰忠敢以城守之功也大中祥符九年詔廣南東西荆湖南路選兵合澄海名曰忠敢分

三指揮以備蠻寇出事物紀原

張憬藏謂蔣儼曰公十月三十日午時卒儼後如

其言憬藏許州長杜人少工相術與表天綱齊名

憬藏曰公從今二年前當得東宮掌兵之官秩未終而免職免職之後厄在三尺土下又經六年據此合是死徵然後當享富貴名位俱盛年至六十一為蒲州刺史十月三日午時祿絕嘗奉使高麗被莫辭支囚于地窖中經六年然後得歸及在蒲州年六十十一矣至開元五年十月三日名妻與之告別自云當死出考異

日涉編卷之十終



